

Informacioni list

- Prekoračenje po tekućem računu

Standardni informacioni list u primjeni od 15.01.2025. godine

Podaci o davaocu usluge	Bosna Bank International dd Sarajevo Trg djece Sarajeva bb 71000 Sarajevo Bosna i Hercegovina
-------------------------	---

Vrsta usluge	Prekoračenje po tekućem računu za fizička lica
--------------	--

OPIS I NAMJENA

Prekoračenje po tekućem računu predstavlja iznos sredstava koji Banka stavlja Klijentu na raspolaganje u određenom razdoblju. Prekoračenje po tekućem računu je sastavni, neodvojivi dio tekućeg računa. Vlastita sredstva na tekućem računu kao i sredstva odobrenog prekoračenja čine za Klijenta ukupno raspoloživa sredstva na tekućem računu. Raspoloživa sredstva na tekućem računu Klijent može koristiti: podizanjem gotovine na šalterima Banke, podizanjem gotovine na bankomatima u zemlji i inostranstvu te plaćanjima putem debitne kartice u zemlji i inostranstvu. Povrat/poravnanje utrošenih sredstava dozvoljenog prekoračenja, obavlja se automatizmom, po prilivu (bezgotovinskom i gotovinskom) sredstava na tekući račun.

IZNOS USLUGE, OZNAKA VALUTE I USLOVI KORIŠTENJA

Prekoračenje se odobrava u valuti KM (BAM).

Visina prekoračenja koja se odobrava iznosi do 90% mjesečnih primanja Klijenta, pri čemu se mjesečnim primanjima smatra neto plata, naknada za prevoz i topli obrok (ukoliko se isti isplaćuje preko tekućeg računa).

Aplikant za prekoračenje po tekućem računu treba ispunjavati sljedeće kriterije:

- da ima otvoren tekući račun u Banci;
- da je u radnom odnosu minimalno 6 (šest) mjeseci u kontinuitetu (osim za penzionere/korisnike BIZ-a);
- da ima redovni mjesečni priliv u vidu neto plate, toplog obroka i naknade za prevoz, odnosno penzije ili BIZ naknade. Priliv na račun potrebno dokazati izvodom po tekućem računu za šest mjeseci. Ukoliko su mjesečni prilivi uplaćivani preko računa druge banke za odobrenje prekoračenja potrebno je da jedan mjesečni priliv bude uplaćen na tekući račun u Banci.

Starost klijenta u momentu odobrenja prekoračenja:

- Minimalno 20 godina starosti;
- Penzioneri mogu koristiti prekoračenje maksimalno do napunjenih 75 godina života.

Ukoliko su mjesečni prilivi uplaćivani preko računa druge banke za odobrenje prekoračenja potrebno je da jedan mjesečni priliv bude uplaćen na tekući račun u Banci.

Maksimalan iznos prekoračenje tj da uz BBI Platinum paket – maksimalno 2.000,00 KM, dok uz ostale BBI pakete ili bez uključenog paketa – maksimalno 1.000,00 KM.

TRAJANJE UGOVORA

Prekoračenje po tekućem računu odobrava se na 6 (šest) mjeseci, nakon čega se vrši monitoring i prolongacija odobrenog prekoračenja, kontinuirano svakih 6 (šest) mjeseci.

Prilikom monitoringa osnovica za obračun dopuštenog prekoračenja će biti revidirana, na način da će se izvršiti obračun kao u procesu odbravanja, gdje će se posmatrati prosječni priliv u posljednja 3 (tri) mjeseca i komparirati sa visinom iznosa odobrenog prekoračenja, nakon čega se vrši prolongacija prekoračenja.

VISINA I PROMJENJIVOST PROFITNE MARŽE I ELEMENTI NA OSNOVU KOJIH ĆE SE ODREĐIVATI UGOVORENA PROMJENJIVA PROFITNA MARŽA, NJIHOVA VISINA U VRIJEME ZAKLJUČENJA UGOVORA, PERIODI U KOJIMA ĆE SE MIJENJATI I NAČINE IZMJENE, KAO I FIKSNI ELEMENT AKO JE UGOVOREN

Visina profitne marže se utvrđuje važećom tarifom Banke. Korisnik zaključenjem ovog ugovora potvrđuje da je upoznat sa važećom tarifom Banke prije zaključenja ovog ugovora i saglasan je sa primjenom iste. Nominalna stopa prinosa u trenutku zaključenja ugovora iznosi 0% fiksno, obračunava se konformnom metodom. Na tekući račun Banka ne plaća prinos-dobit, te ne postoji obaveza plaćanja poreza za Korisnika. Efektivna stopa prinosa je jednaka nominalnoj stopi prinosa

Banka će naplaćivati naknadu za održavanje prekoračenja u iznosu 10,00 KM mjesečno, bez obzira na odobreni iznos prekoračenja.

EFEKTIVNA PROFITNA MARŽA I UKUPAN IZNOS KOJI KORISNIK MORA DA PLATI, ODNOSNO KOJI TREBA DA MU SE ISPLATI, PRIKAZAN PREKO REPREZENTATIVNOG PRIMJERA U KOJEM SU NAZNAČENI SVI ELEMENTI KORIŠTENI U OBRAČUNU

Reprezentativni primjer:

Iznos odobrenog prekoračenja	1.000,00 KM
Period odobrenja	6 mjeseci
Nominalna profitna marža	0,00%
Naknada za održavanje prekoračenja (mjesečno, promjenjivo)	10,00 KM
Naknada za vođenje tekućeg računa (mjesečno, promjenjivo)	3,00 KM
Trošak kupovine mjenice (jednokratno, fiksno)	5,00 KM
Trošak ovjere dokumentacije (jednokratno, fiksno)	2,00 KM
Trošak izdavanje izvoda iz CRK-a za potrebe analize (jednokratno, fiksno)	0,00 KM
Efektivna profitna marža	35,37%
Ukupni iznos koji Korisnik treba da plati uz naprijed navedene	1.085,00 KM

IZNOS I BROJ RATA FINANSIRANJA I PERIODI U KOJIMA DOSPJEVAJU (MJESEČNO, TROMJESEČNO I DRUGO)

Nije primjenjivo.

TROŠKOVI ODRŽAVANJA JEDNOG ILI VIŠE RAČUNA NA KOJIMA ĆE SE EVIDENTIRATI TRANSAKCIJE ZAJEDNO SA TROŠKOVIMA KORIŠTENJA ODREĐENOG SREDSTVA OTPLATE, KAKO ZA TRANSAKCIJE PLAĆANJA, TAKO I ZA POVLAČENJA SREDSTAVA, TE SVE DRUGE NAKNADE I TROŠKOVE KOJI PROIZLAZE IZ UGOVORA UZ ODREĐENJE DA LI SU FIKSNI ILI PROMJENLJIVI I USLOVI POD KOJIMA SE MOGU MIJENJATI

Naknada za održavanje tekućeg računa	3,00 KM mjesečno promjenjivo
Otvaranje/ ugovaranje prekoračenja	Bez naknade, promjenjivo jednodokratno
Nominalna profitna marža	0,00%
Naknada za održavanje prekoračenja (periodično, promjenjivo)	10,00 KM
Trošak kupovine mjenice (jednokratno, fiksno)	5,00 KM
Trošak ovjere dokumentacije (jednokratno, fiksno)	2,00 KM
Trošak izdavanje izvoda iz CRK-a za potrebe analize (jednokratno, fiksno)	0,00 KM
Izvodi / analitika za posljednja 3 (tri) mjeseca	5,00 KM, jednokratno, promjenjivo
Izvodi / analitika za posljednjih 6 (šest) mjeseci	7,00 KM, jednokratno, promjenjivo
Izvodi / analitika za posljednjih 12 (dvanaest) mjeseci	12,00 KM, jednokratno, promjenjivo
Izvodi / analitika iz ranijih godina	17,00 KM po godini, jednokratno, promjenjivo

U pogledu troškova koji su definisani kao promjenljivi, BBI uzima u obzir godišnju stopu inflacije/deflacije, prema zvaničnim podacima koje objavljuje Agencija za statistiku BiH. Ugovorne strane su saglasne, da će BBI vršiti usklađivanje visine promjenjivih troškova samo ukoliko zbir stopa inflacije/deflacije za protekle tri godine bude jednak ili iznad +/- 5%. BBI će jednom godišnje utvrđivati promjenu visine troškova u zavisnosti od

<p>promjene zbira stopa inflacije/deflacije za protekle tri godine. Ugovorne strane su saglasne da je BBI ovlaštena, u svakom trenutku, bez obzira na kretanja parametara Inflacije/deflacije donijeti odluku o smanjenju visine pojedinih troškova. BBI će o svim promjenama obavijestiti Korisnika putem nove tarife, koja će biti dostupna u prostorijama BBI ili objavljena na web stranici BBI.</p>
<p>INFORMACIJA O OBAVEZI KORIŠTENJA NOTARSKIH USLUGA PRILIKOM ZAKLJUČENJA UGOVORA</p>
<p>Moguća je obaveza korištenja usluga notara ukoliko se ovjera isprave o zapljeni vrši kod notara.</p>
<p>INFORMACIJA O OBAVEZI ZAKLJUČENJA UGOVORA O SPOREDNIM USLUGAMA POVEZANIM SA OSNOVNIM UGOVOROM, NAROČITO KAD JE ZAKLJUČENJE TAKVOG UGOVORA OBAVEZNO RADI DOBIJANJA USLUGE</p>
<p>Prekoračenje po tekućem računu je sastavni, neodvojivi dio tekućeg računa. Za odobravanje prekoračenja neophodno je da Klijent ima otvoren tekući račun.</p>
<p>PROFITNA MARŽA KOJA SE PRIMJENJUJE U SLUČAJU KAŠNjenja U IZMIRENJU OBAVEZA I PRAVILA ZA NJENO PRILAGODAVANJE, TE DRUGE NAKNADE KOJE SE PLAĆAJU U SLUČAJU NEISPUNJENJA OBAVEZA</p>
<p>Penali će se obračunavati na iznos prekoračenja po tekućem računu koje je isteklo ili je isto zatvoreno, a Korisnik nije izmirio minusni saldo po računu. Penali koje Banka naplaćuje su fiksni i iznose 10% na godišnjem nivou za iznos nedozvoljenog prekoračenja. Stopa penala će se mijenjati shodno izmjenama zakona kojima se reguliše visina stope zakonske zatezne kamate.</p>
<p>UPOZORENJE U VEZI SA POSLJEDICAMA PROPUŠTANJA IZMIRENJA OBAVEZA</p>
<p>Telefonski kontakt sa korisnikom prekoračenja (nakon 30-og dana kašnjenja); Opomena I korisniku prekoračenja (35-ti dan kašnjenja); Opomena II korisniku prekoračenja (55-ti dan kašnjenja); Zahtjev za aktiviranje isprave o zapljeni na lična primanja korisnika prekoračenja (nakon 80-og dana kašnjenja). Troškovi opomena se ne naplaćuju.</p>
<p>INSTRUMENTI OBEZBJEDENJA ISPUNJENJA OBAVEZA SA INFORMACIJOM O REDOSLIJEDU I NAČINU IZMIRENJA OBAVEZA IZ INSTRUMENTATA OBEZBJEDENJA</p>
<p>Korisnik prekoračenja dužan je dostaviti sljedeće instrumente obezbjeđenja: Ovjerenu ispravu o zapljeni (ovjera od strane Općine ili notara) Jednu vlastitu mjenicu sa naznakom „bez protesta“ Mjениčno ovlaštenje za Klijenta Banka može bez prethodne najave ili upozorenja koristiti navedena sredstva obezbjeđenja u svrhu prinudne naplate potraživanja iz Ugovora o prekoračenju i to za slučaj da Klijent ni nakon opomene ne bude vršio uredan povrat Prekoračenja. BBI će prinudnu naplatu potraživanja vršiti sljedećim redoslijedom: - putem isprave o zapljeni, - putem sredstava na računu Klijenta kod Banke, - prinudnom naplatom putem suda (hipoteka, zalog i mjenica), - putem ostalih instrumenata obezbjeđenja. Korisnik prekoračenja je saglasan da Banka može pokrenuti sljedeći postupak po redoslijedu postupaka prinudne naplate, odmah nakon što postane izvjesno da prethodni postupak ne donosi (niti će donijeti) rezultate naplate.</p>
<p>PRAVO KORISNIKA NA ODUSTAJANJE OD UGOVORA, USLOVI I NAČIN ODUSTAJANJA, KAO I VISINU TROŠKOVA U VEZI S TIM</p>
<p>Ugovorne strane su saglasne da Banka neće sredstva prekoračenja staviti na raspolaganje Klijentu prije isteka roka ne kraćeg od 14 dana od dana zaključenja ugovora o prekoračenju, u kojem periodu BBI priznaje Klijentu pravo jednostranog odustanka od Ugovora, izuzev u slučaju Klijentovog izričitog pismenog zahtjeva za stavljanje sredstava prekoračenja na raspolaganje prije isteka naznačenog roka uz Klijentovu nedvosmisleni obavezu odricanja prava na odustanak od Ugovora. U slučaju da Klijent u datom roku želi iskoristiti pravo odustanka od Ugovora obavezuje se dostaviti Banci pisano obavještenje o odustanku, uz obavezan dokaz o dostavljanju predmetnog obavještenja. Banka neće Klijentu naplaćivati naknadu za gašenje tekućeg računa za koji je vezano prekoračenje.</p>
<p>PRAVO KORISNIKA NA PRIJEVREMENU OTPLATU FINANSIRANJA I PRAVO BANKE NA NAKNADU, KAO I VISINU TE NAKNADE</p>
<p>Banka neće Klijentu naplaćivati naknadu za prijevremeni povrat.</p>
<p>PRAVO KORISNIKA DA U TOKU PROCJENE NJEGOVE KREDITNE SPOSOBNOSTI BESPLATNO DOBIJE OBAVJEŠTENJE O REZULTATIMA UVIDA U BAZE PODATAKA</p>

<p>Korisnik prekoračenja po tekućem računu ima pravo da u toku procjene njegove kreditne sposobnosti bez plaćanja naknade dobije izvod iz CRK-a, isključivo ako je za pretragu Centralnog registra kredita dao pisanu saglasnost.</p>
<p>PRAVO KORISNIKA DA DOBIJE BESPLATNU KOPIJU NACRTA UGOVORA</p>
<p>Klijent ima pravo na besplatan primjerak nacrtu ugovora, osim ukoliko Banka u vrijeme podnošenja zahtjeva korisnika ocijeni da ne postoje uslovi za zasnivanje odnosa s korisnikom u konkretnom pravnom poslu. Klijent ima pravo razmotriti nacrt ugovora izvan prostorija banke u istom roku u kojem Banku obavezuju podaci u pregovaračkoj fazi sadržani u standardnom informacionom listu (7 dana od datuma naznačenog na standardnom informacionom listu).</p>
<p>PERIOD U KOJEM BANKU OBAVEZUJU PODACI DATI U PREGOVARAČKOJ FAZI</p>
<p>Sedam (7) dana od datuma naznačenog na standardnom informacionom listu.</p>
<p>POSLLOVI POLAGANJA NOVČANOG DEPOZITA KOD BANKE, AKO JE TO USLOV ZA ODOBROVANJE KREDITA, KAO I MOGUĆNOST I USLOVI PREBIJANJA FINANSIRANJA I DEPOZITA</p>
<p>Banka ne postavlja uslov polaganja novčanog depozita za ovu vrstu finansiranja.</p>

Datum preuzimanja standardnog informacionog lista:-
____/____/____godine,

Potpis tražioca proizvoda

(kojim potvrđuje prijem standardnog informacionog lista)

Potpis službenika Banke koji je uručio standardni informacioni list